



Zeitung auß Cöln/ vom 7. May. Anno 1609.

**D**üngste Brieff auß dem Hage melden/ daß der anstand da selbsten nun mehr *publice* sey/ vnd solle dasselbe auff 4 dieses durch die samptliche *provincien* gleichfals beschehen vnd hernach einem jeden den es gelüftet/ frey stehen. fremdenfest zu machen auch haben die Herrn Staden durch gemelte *provincien* einen gemeinen Verr: vnnnd Fasttag verkündigen lassen/ vmb Gott vor diese getroffene ruh des Kriegs zu dancken. Sonst werden sich die Herrn Staden auff 29 dieses im Hage versambten/ vnd vber die puncten des *Gubernaments*, auch andern Politischen Ordnungen zu *resolviren*, vnd sollen dieselbe ihrer *Excellenz* Princk Moriken iezo zu seinem vnterhalt in die 150000 fl. Jährlich einkommens zu geleg haben/ doch daß er sich keinem andern *Potentaten* mit dienften verpflichte/ wie dann der Graff Herman vom Berge wegen seiner *pretension* auff dem Soem auch Jährlich 1000 fl. empfangen soll. Schreiben ferner auß Holland/ daß die Schiff/ so zu hilff des Königs vor Frankreich/ gegen den von *Marocca* zugerüftet/ nun mehr mit gutem Wind außgefahren/ mit dem anhang/ daß täglich viel Volck auß Holl: vnd Seeland nach Antorff vnnnd andern orten zeugt/ vmb zu hören/ was sich der gemeine man am besten nehren vnnnd niederschlagen wölle. Wir haben auch etn getruckte *moderation* im *procediren* der Spanischen *inquisition* gegen die Engellender/ so in Spaniam reisen/ dieses inhalts. Erstlich im fall sie einige *obertretung* ehe vnd bevor sie in Spannia kommen/ begangen haben/ sollen derohalben von der *inquisition* nicht gefordert werden/ oder auch von den jenigen/ so sie außser selbigem Königreich *Committiren*, einige *molestation* nicht leiden. Zum andern/ sollen sie nit gezwungen sein/ zur Kirchen zu gehen/ vnd so ihnen auff der gassen das heylige Sacrament begegnet/ sollen sie demselben auff den Knien *reverenz* thun/ oder aber in eine Behausung weichen. Zum dritten/ da jemand von den Engllischen/ so auff den Schiffen dienen/ denen die Schiff oder Ladung nicht zustendig sich dieser gemelten ordnung nit gemäß verhalten würden/ so soll die *inquisition* allein gegen ihr Persohn vnd deren güter *procediren* mögen/ aber die andern güter mit den Schiffen frey bleiben. Auff 29. *passato* haben die Herren Brandenburgische abgesandten zu Duffeldorff/ erstlich bey der Herzogin/ volgendts bey den Herrn Räten vnnnd Stenden *Audienz* gehabt/ der Herzogin Antwort ist gar höfflich vnnnd zu allem guten gericht gewesen/ auch haben gemelte abgeordnete ihre *proposition* erstlichen vbergeben/ darauff die Herrn Räte vnd Stende erstes tages antworten sollen/ iezo vernemen wir auß Duffeldorff/ daß der Kay: May: gesander auff 5. dieses daselbsten sein *proposition* gethan habe/ vnnnd wie man vernimbt/ solle ihre May: gemeint sein/ mit zuthun der Herren Räte in diesen Landtschafften ein Regierung zu verordnen/ so lang biß die Herrn *Interesenten* sich verglichen haben/ obgemelter Gesende ist auch bey ihrer Durchl: von Neuburg zu Bonrate gewesen/ haben auch gestern die Brandenburgische bey sich zu gast gehabt vnd sich mit denselben lustig gemacht.

Auß Rom/ vom 18. April.

Am verschienen Sonntag hat der Pappst in S. Sixti Capellen die Palmen außgerheilt die

